



Broj: 15-03-16-5-43-24/21

Datum: 29.7.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke **usluga održavanja serverske infrastrukture**, objavljenom na web portalu Agencije za javne nabavke Bosne i Hercegovine, broj Obavještenja o nabavci 1110-1-2-28-3-51/21 od 18.6.2021. godine, koji je proveden otvorenim postupkom, je „LANACO“ d.o.o. Banjaluka.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Po provedenom postupku, Komisija za provođenje postupka javne nabavke usluga održavanja serverske infrastrukture je konstatovala je da je rok za dostavljanje ponuda 22.7.2021. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača „LANACO“ d.o.o. Banjaluka i ponuđača „PROINTER ITSS“ d.o.o. Banjaluka. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon postupka analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Prilikom analize ponude ponuđača LANACO d.o.o. Banjaluka Komisija je utvrdila da je ista sadrži računsku grešku, te je Agencija od ovog ponuđača svojim aktom od 22.7.2021. godine zahtijevala prihvatanje ispravki iste. Ponuđač „LANACO“ d.o.o. Banjaluka je dana 23.7.2021. godine svojim odgovorom prihvatio zahtjev Agencije za ispravkama računске greške.



Komisija je, potom, konstatovala da su ponude ponuđača „LANACO“ d.o.o. Banjaluka i ponuđača „PROINTER ITSS“ d.o.o. Banjaluka kvalifikovane i prihvatljive, a dokumenti su dostavljeni na propisani način kako je to definisano Tenderskom dokumentacijom.

Analizom ponuda, primjenjujući kriterijum ekonomski najpovoljnije ponude, Komisija je utvrdila da ponuda ponuđača „LANACO“ d.o.o. Banjaluka, sa ukupnom cijenom za usluge održavanja serverske infrastrukture od **23.908,58 KM bez PDV-a**, odnosno **27.973,04 KM sa PDV-om**, te **vremenom popravke od šest (6) sati**, u potpunosti zadovoljava zahtjeve Agencije, te je data preporuka da se donese odluka o izboru najpovoljnijeg ponuđača. Na osnovu prijedloga Komisije, odlučeno je kao u dispozitivu ove odluke.

Napominje se da će se okvirni sporazum u ovom postupku javne nabavke zaključiti na ponuđenu cijenu za redovno održavanje serverske infrastrukture u iznosu od 16.800,00 KM bez PDV-a, odnosno 19.656,00 KM sa PDV-om i procijenjenu vrijednost nabavke za vanredno održavanje u iznosu od 64.957,26 KM bez PDV-a, odnosno 76.000,00 KM sa PDV-om.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR
Dr. sc. Arif Narić

Signed by: ANANIC
дигитално потписано / digitalno potpisano / digitally signed